

玉萼集

序  
楚南疏稿



宮

序



朱子嘗論韓退之文雖高古然作公家文字或  
施於君上或布之吏民不失莊近平易之體但  
反覆曲折說盡事理是為真文章使人自不可  
及朱子所謂曲盡事理者惟其取之於心浩乎  
沛然言語精神與事相侔亦惟其仰不愧天俯  
不愧人內不愧心者有以立乎其本也此豈易  
及者哉今

尚書都御史總督兩江趙公示以撫湖南及兩江奏疏并批答檄移條教如干卷屬銓為之序銓感慙不敢當命之再不敢辭蓋銓獲交於公者久有以悉公之心而得其所以為文章之本矣公學朱子之學融浹通貫掇其要語用揭座右又嘗曰居官與持身一也內盡其誠外循其理而已夫人心非不欲循理往往壅闕遷轉則以私害之也私則曲而偽公則直而誠未有能

盡誠而不能循理者措諸政事見於文章合內外而一之也讀公綏靖紅苗諸疏宣示

聖天子德愷威稜莫徭歡喜震聳尅期平定罷散舍把謹立市場建吉多坪營於居中制險之地以苗處苗而夷情得矣讀公撫楚事宜諸疏請寬墾田科徵別以三年六年除官賦朔望閱實半月按解之法免行截串以滋腴削豁湘陰流沙五總溢地無徵之租與軍田舊議稅額以楚

治楚以民養民而楚地安矣讀公節制兩江下車諸疏澄肅吏治按視海防體國經野文教武衛整頓設施釐舉鑿鑿而江南西之紀綱定矣讀公之批答檄移條教其最先者勸葬薶收糶獨其大者詰姦惠良禁奢崇儉其急者橫征必懲阿縱必覈革圖里之斂索誅伍伯之枉陷所部西南至嶺東至海北屬大河壤地三千餘里凡民間受病之本浚傳變隱照見癥結區畫董

戒曲中情實如家至而日見之而其指要則持大體護元氣膏雨肅霜藹然生意康莊馮路通達坦夷而江南西之吏道民風胥蒸變矣而公之所為尤有人人所難能者湖南與黔隣接包絡谿峒雜處蠻蠻其渠魁桀黠腹背敵勢易煽以變黔地九股苗為逆公得報飛檄告沅守速儲米以饋軍沅州黔門戶也溪船西泝灘水直抵偏橋已而

序三  
朝命至公令先運沅所儲米而他州縣輓輸相繼  
楚地不驚而軍無告匱先是湖南預撥黔餉例  
以四月輸數之半公謂鄰方用兵而我拘成例  
非拯患分災之義悉輸之而以疏

聞今公之來也首檄文武屬吏以為各省雖有疆  
域普天皆屬王土擴充公忠之念自無彼此之  
分公非託諸空言實見湖南之行事者非洞  
徹表裏公爾忘私其孰能之此所以為德為民

內誠外順而發抒於公家文字之中曲折盡事  
之理如朱子之推韓公而無愧也抑朱子謂黃  
勉齋頗欲多所論白不如略舉切於上心者異  
日猶可尋繹其緒而終其說銓嘗三復斯言喟  
然太息何其用心之苦而所遇之艱也若公知  
無不言並蒙

聖天子虛已採納蓋都俞歌賡之盛穆然上追唐  
虞其遭遇之幸有為朱子所願望而不可得者

序四  
則是刻也以流示海內益以徵

君明臣良之契千載一時銓不勝忭蹈而為之序

云時

雍正十二年歲次甲寅中秋治年家眷侍生汪  
應銓頓首拜誤



玉華集總目

楚南疏稿二十七道

兩江疏稿十五道

兩江批案四十一道

兩江檄稿卷上四十六道

兩江檄稿卷下四十三道

兩江示稿四十七道

玉華堂楚南疏稿目錄

革除土司舍把

續報墾荒

楚南慶雲獻瑞

苗疆設立市場

請立徵收之法

彙題善行

議化六里紅苗

招撫六里完竣

招撫鎮筵紅苗

改易軍田稅則

六里善後事宜

舵桿現出洲形

請設理徭同知

請免流沙無着錢糧

桂陽州改直隸

乾苗願納雜糧

請留鎮算新增兵丁

譙衿七世同居

許湄入祀

請免倒馬歸補原數

特叅陳宦

請定典業稅銀

請借出師官兵支項

碾穀運濟黔軍

協餉儘數解黔

題請終制

咨覆義讓世職

武職親丁名糧

玉華堂楚南疏稿

革除土司舍把

題為革除舍把頭目清編保甲以安土民事竊惟湖南永順保靖桑植三土司業蒙

聖恩改設流官土民得出水火而登衽席無不感激誠切漸知自新其一切化誨撫輯事宜自當次第經理查各該土司向有舍把頭目皆屬他省之人鑽營土官僉委充當苛虐土民之輩今既改土為流伊等舊術難施多不循分自守

臣前奉



旨會審叅革永順同知潘果一案稔知土民之聚集犯科寔迫於舍把之乘隙號召現今永保桑三地方皆有舍把頭目在內若不逐一清查分別安置必仍貽害民生臣請將凡係漢奸鑽充之舍把頭目移解原籍安插其兇頑不法者悉遷內地拘管其餘舍把頭目人等概行革除令與土民一例編甲如再犯法即行究處立移內地安置保甲乃靖地安民之良法况各土民歸服流官已經年餘應飭新設府縣等官查明戶口照依內地清編牌甲擇土民中之誠實守法者設立保正百甲責令管束該府縣每于朔望宣

講

聖諭廣訓化導愚頑倘土苗間有蠢頑不靈一經沿鄉編甲致生疑畏應令該府縣先為明白曉諭徐徐化導因地制宜酌量料理如此則奸頑可化為良善而土民安益獲安矣

臣謹會

題伏乞

皇上睿鑒勅部議覆施行

續報墾荒

題爲請

旨事該臣看得湖南續報墾田部令各屬有情願開墾飭令隨墾隨報統于歲底彙冊具題等因飭遵在案茲據布政使楊永斌詳稱長衡岳辰四府屬之醴陵衡山藍山平江沅州辰谿黔陽等七州縣詳報自首墾田原因缺額無着詳請歸補足額及醴陵藍山沅州三州縣除抵補缺額外亦內有額外陞科共計抵補額內田地塘二十三頃一十三畝零尚有長衡永岳辰郴六府州屬長沙湘潭衡陽耒陽

藍山零陵祁陽道州江華華容沅州淑浦桂陽等一十三州縣共首報民屯額外田地塘四十頃五十六畝四分零應作額外陞科統于雍正八年入額又長常二府屬之醴陵桃源二縣共首報民賦更名籽粒田地塘一十五頃八十三畝九分七釐零據稱近年新墾尚未成熟若同隱墾當年起徵恐阻小民勤耕先行首報之路請于三年後陞科又寶屬新化縣首墾額外稅地二頃九十七畝八分一釐俱係旱土新墾亦未成熟請于六年後陞科以紓民力等因照依部行分別額內額外將該徵銀米數目開造清冊同各該州縣印甘各結一併詳實前來臣覆核無異除將冊結分送部科外理合具

題再照各屬如有情願開墾仍令遵奉

上諭通飭曉諭勸導陸續隨墾隨報統于歲底彙冊

題達臣謹會

題伏乞

皇上睿鑒勅部議覆施行

楚南慶雲獻瑞

題爲

聖德日隆卿雲獻瑞事該臣看得永順府保靖縣知縣王欽命據報雍正八年五月十一日會同副將楊凱遊擊王進昌及所屬員弁鄉耆人等同登縣屬獅子山相度縣治城基確估工料仰見東北五彩祥雲光華絢爛自午至酉凝結不散官民共覩苗土歡騰又據辰州府沅陵縣知縣趙念曾詳報雍正八年五月十一日縣屬西南忽現五色祥雲紅光繚繞諸狀玲瓏自已至酉萬民瞻仰又據辰州府辰

谿縣知縣陳承虞詳報雍正八年五月十一日赴縣城西  
南一帶勸農天方辰時忽見卿雲燦爛自辰至酉結聚不  
散城鄉共覩據布政使楊永斌等轉詳前來正在恭疏  
題報間又據布政使楊永斌按察使張燦等詳據署長沙府  
事靖州知州楊輔臣轉據士民歐綸等具報五月二十九  
日未時共見長沙府城鄉雲煥彩五色燦爛直至酉時方  
散繪圖轉詳前來合之臣親見無異欽惟我

皇上

胞與爲心

中和建極

帝德廣照楚域一天數著奇徵

神功遠肇苗疆千里同覘異瑞築城伊始獅子山頭欣瞻佳氣  
東來改土維新鳳凰營裏共仰卿雲北至風俗有返朴還  
醇之漸忽開瑞靄于長沙人心有存誠去僞之機特耀天  
章于善化千光燦爛凝成鳳尾龍鱗五色繽紛化出金柯  
玉葉飛花煥彩歷久彌彰映紫凝紅逾時更耀良由我  
皇上深仁厚澤配兩大以相參

睿照精明冠百王而首出用是光華協旦駢臻虞帝之麻紉縵

為章疊見軒轅之慶臣躬逢

聖世獲覩嘉祥望

闕叩頭焚香恭

賀事關臣民交頌羣情踴躍理合恭疏

題報伏乞

皇上睿鑒施行

苗疆設立市場

題為遵

旨議奏事該臣看得湖南苗疆州縣設立市場令民苗定期交易一案據按察使張璨會同布政使楊永斌詳稱除州縣界近苗疆實無苗人雜處間有一二徭人與民一例編甲應聽照常貿易毋庸設市外據永州府知府姜邵湘議覆永明縣屬桃川墟一處寶慶府知府魏敬勝議覆邵陽縣屬大茅坪爛草田二處新寧縣屬石門一處城步縣屬水頭上塔溪二處澧州知州陳九昌議覆安福縣屬黑松關

一處辰州府知府白豐議覆沅州屬之竹樹寨平頭二處  
黔陽縣屬安江市乾州屬之鎮溪所及乾州城外二處鳳  
凰營屬箭塘一處前護靖州事通道縣知縣周正議覆本  
州屬之三眼橋防強堡二處綏寧縣屬臨口司黃桑坪二  
處會同縣屬黃壇一處通道縣屬文昌門播陽坪大星峒  
三處永順府知府袁承寵議覆永順縣屬王家村杉木村  
洗坵湖猛洞舊司城五處保靖縣屬古洞溪張家坵二處  
桑植縣縣城及所屬南岔二處龍山縣屬他沙坵江西寨  
里耶捏車坪四處均係民苗交界往來通衢應請立市交

易并稱市場貿易之期各屬所議不一每月三日爲期應  
以逢五爲定屆期民苗各至其地互相交易令監視之員  
立一號簿赴場貿易登記各民苗姓名各給竹簽一根令  
其賣買自辰時起至酉時貿易完畢將簽繳銷苗人即押  
回寨民貨令搬回寓不許在場過夜如酉候不繳簽者監  
視之員按名逐查或回寨私逃亦不難得庶民苗不致越  
境出入又稱市場所用斛斗秤尺戥平俱要印官較定烙  
記發用銀水俱要高色貨物不許抬價稍有前項情事許  
監視員弁查拿究治苗徭自無爭競又稱監視之員若不

定以嚴例恐無以杜詐派之弊應令各該州縣不時察訪如有在場監視不行秉公巡查有偏抑勒索情事該管州縣即據寔詳參照苗疆定例治罪如該管州縣或失于覺察或知情徇隱一經告發訪聞將州縣揭報照例問擬又稱每月以三日為期但永順所屬新闢苗疆及人地稠密之處恐買期太疎不無擁擠應請每月定以六日逢三、八、日為期令其互相交易以免擁擠至各屬應設苗長寨長姓名清冊現在飭令選充造冊俟年底詳請咨報應選民壯現今陸續選補等因議詳前來臣覆詳察無異臣謹會

題伏乞

皇上睿鑒勅部議覆施行



請立徵收之法

題爲請立徵收之法等事該臣看得州縣徵解錢糧前准部

咨設立每月朔望驗票之法以杜包攬并將錢糧半月一

解藩庫以免侵那行令酌量務期官民兩便詳悉妥議具

題到日再議等因到臣臣查花戶完納錢糧例應即時給

票原以便其寧家各務生業若令於完糧寧家之後再執

串票赴驗遠處鄉民有往返道途之累即在城附郭者亦

難免守候投驗之苦此朔望驗票之法實屬不便於民至

州縣徵完錢糧例應隨徵隨解原不容其久貯致滋侵那

若定半月一解之限勿論遠近難以畫一而邑小賦輕之州縣勢難以所徵無幾之數按限源源起解即賦額繁多之州縣若值開徵之初輸納擁擠收銀既多又難容半月始行拆解值停徵之時完納寥寥亦難副半月之限此半月一解之法又屬不便於官伏思包攬錢糧久有追賠追罰治罪之條又有每年將完欠數目出示之例似可以杜代完撮借之弊官員侵那原有委員監拆之例又有總吏首報之條似可以塞侵那之源應再飭各屬每於開徵之時出示徧曉務令花戶親身赴櫃完納不許豪強脅騙書

役撮借仍令該州縣實力查察倘禁察不力仍致貽累小民或被告發或經上司訪聞照溺職叅處并責令監拆之員及稽察總吏將所徵錢糧數目五日一次摺報各上司徵有成數拆解之日監拆官同總吏再將拆過數目即於本日具摺先行報查一面催令儘數傾解起解到日該上司按所報之摺較對倘有不符及遲逾不解立即嚴查叅追如監拆官并總吏以多報少扶同捏飾經該管上司察出同印官一併叅革照例治罪上司徇隱失察亦照定例叅賠至滾單催征湖南久已通用勿庸置議又部議條奏

內開徵收錢糧設立截票之法每戶按其應完數目均作十截預填票簿如完一截即截給一票等因通飭遵行第民間錢糧原係不時隨數上納今按額分數預填十截刻定截數完納恐小民一時湊備不敷反有徵解遲滯之累倘所完與截票多寡不齊又有不便截給之處更恐徒貽小民拮据之苦反阻急公之心又恐官役奉行不善勒令按截分稱復滋剝削之累查雍正六年內定例完糧用三連串票騎縫用印處大書完數又定例徵收錢糧輪委佐雜一員監收投櫃驗給印串徵收銀數按簿查對現在遵行可杜抽取改換等弊惟嚴飭印官及監收之員實力經理倘有怠忽照例叅處所有截票之法似應免行以便徵輸臣謹

題覆統聽部議伏乞

皇上睿鑒勅部議覆施行

彙題善行

題為

聖化翔洽黎民於變謹彙善行詳請

題達事該臣看得

聖明之朝人爭尚義

昇平之世道不拾遺湖南風俗向多未淳蒙我

皇上憫念愚蒙頻頒

諭訓百姓愧感交集各知爭先遷善如常德府學武生尹大卜

於雍正四年十二月初五日有揚州客民朱武臣將白蠟

三十九簍約值六百兩寄頓伊家至雍正七年大卜風聞武臣在楚物故赴府報明封貯一面查訪一面寄信與江南揚州各客商訪確武臣實無親族并武臣的於雍正六年十一月二十五日在永順府洗車溪地方病故已經埋葬隨於雍正七年十一月初一日具呈請將原寄蠟勛歸官變價充公又武陵縣商人汪詩桂於雍正七年八月內將鹽課銀五百兩付船戶王起貴等帶往漢口起貴於九月初二日船經洞庭湖君山地方遭風覆溺起貴等飄流登岸見山僧一如併徒樸園隨以實告因即卧病乃一如

樸園即代為設法撈獲前銀送還汪詩桂查點分毫未動酌金辭却而歸又桃源縣學告給武生張應登係赤貧寒士於雍正七年十月十五日買米負歸路拾遺銀二封共九兩四錢携歸招主認領當有潯洋坪農民郭玉培遺失完糧買牛銀兩即赴應登之家查對無異立即付還玉培堅請平分應登固辭不受等情據各該縣詳報俱經批行確查去後茲據布政使楊永斌等會詳請

題前來臣查武生尹大卜之受寄不昧僧人一如等之撈銀送還以及告給武生張應登之拾金給主皆屬臨財不苟

王華堂楚南政和  
仗義無私楚南士民仰承

聖恩訓諭之後兩府之地數月之內即有此義舉疊聞誠為民性復善風俗還淳之實效除將尹大卜等分別獎賞并通示各屬咸知觀感勉為良民外相應

題明以昭

盛治以風羣黎臣謹會

題伏乞

皇上睿鑒施行

議化六里紅苗

題為遵

旨議奏事該臣看得六里紅苗素皆頑蠢荷蒙

聖恩俞允安兵設汛彈壓化誨使蕞爾諸苗同沐

聖朝德教永為良善臣於接准部咨日已與督臣邁提臣岳

商酌定議除貴州銅仁協副將移駐正大營之處密咨

雲貴廣西督臣鄂酌行并咨明四川撫提二臣嚴飭連

界漢土官弁防禦并密授機宜令鎮筸鎮將所屬四營地

方各安塘汛直通六里外查先後移准提臣岳派撥附

近沿邊兵丁一千二百名并領兵備弁咨覆到臣隨令齎  
赴鎮算交與王柔帶領茲值秋涼臣隨會同督臣邁 飭  
令王柔帶同保靖營遊擊王進昌永順府同知李珣并前  
項所撥兵丁一千二百名及領兵備弁以及應備遣用弁  
員雜職於九月初旬由花園一路前進招撫獎賞招撫一  
處卽設一處塘汛由六里直抵貴州正大營并與川黔各  
土司逼近之處俱分設營汛臣等更查現撫之六里乃五  
六七八九十共六里地勢深廣鎮算鎮臣周一德素悉苗  
務臣等并令周一德酌帶弁兵并帶同文職永順府知府  
袁承寵亦於九月初旬由陽孟寨一路前進招撫獎賞與  
王柔會合安設并飭令同往文武務須和衷善爲撫綏隨  
處宣布

皇仁詳加開導使諸苗實心向化歸誠倘有怙惡不悛兇頑梗  
化者方示以兵威不得擅行滋擾苦累苗民以仰副  
聖主柔遠化苗殊恩所有派撥弁兵飭令起程招撫安設緣由  
相應

題明再查鎮算鎮撥交王柔兵丁八百名業經提臣岳 於  
提標撥兵二百名補伍外尚缺兵六百名隨令鎮臣周一

王華堂奏南政禾  
德卽行募補足額以敷調遣巡防其辰州沅州九谿澧州  
永定五協營共抽撥兵丁四百名以及提標撥赴鎮筵鎮  
補伍兵丁二百名共兵缺六百名亦令各於所撥兵丁起  
程之日卽行募補以固邊圉至撥往兵丁糧餉暫照各原  
營額數支給其所募補兵丁糧餉按各入伍之日起支請  
於通省糧餉建曠項下動給於

奏銷案內分晰開報俟六里安設完竣之後另行分別定議  
再查在事弁兵以及跟役人等長途跋涉臣等仰體

皇上惠養兵卒至意請照滇省之例每名每日給口糧米一升  
并照楚省往黔官兵之例每馬日給豆三升草二束以及  
應給人夫并賞苗賞需量備軍裝及口糧豆草價腳酌修  
運糧道路等項均於司庫公項銀內動支委員辰州府知  
府白豐等分派料理統俟事竣分晰報銷再此事臣應親  
往其起程日期另疏

題報合併陳明臣謹會

題伏乞

皇上睿鑒施行



招撫六里完竣

題爲恭報招撫安設完竣情形事竊惟六里紅苗素皆頑蠢  
荷蒙

聖恩俞允安兵設汛彈壓化誨臣隨會撥弁兵飭令辰永靖道  
王柔並移鎮算鎮臣周一德分路前進招撫安設及臣親  
往彈壓調度起程日期俱經

題報在案茲准鎮臣周一德辰永靖道王柔等開報招集化  
誨五六七八九十共六里寨苗安設營汛地方並據王柔  
會同銅仁協副將張禹謨等通報察勘過內有坡西之木

樹等處并坡東之芭茅坪一帶地方應歸黔省管轄設汛以通聲息等情到臣臣復親入各里地方隨處宣揚

聖主柔遠化苗不查田地牛馬之殊恩並詳加誥誡開導比據各百戶苗目散苗剃髮摘環率領苗婦子女絡繹接見僉稱安官設汛出自

浩蕩

皇仁苗等深知感戴永為良民又稱康熙五十年間共認納雜糧七十二石八斗四升今雖內有撥歸黔省寨戶而屬楚苗口日增情愿仍照七十二石八斗四升原額均攤輸納

以抒向化之忱歷年陷匿內地人口亦願獻出以贖前愆羣情踴躍異口同聲臣復逐一分別給賞諭令各歸安業訖所有應設營汛臣已詳細相度計議此等新闢苗邊不宜倣照內地計程設塘安兵數名致有零星孤懸之慮應於六里適中相距崇山數里之吉多坪地方建立營治設副將都司各一員兵丁三百七十名駐劄其通連川黔之隆團寨通連鎮草之排補美并界連保靖鎮谿及一切險隘要口共應設守備千把外委汛防一十七處分帶目兵三十五十至一百餘名不等仍能聲息相通即於王柔原

王正堂奏苗匪疏  
帶官兵內派安清楚仍令王柔與遊擊王進昌暫駐吉多  
坪統理并飭善爲撫綏臣於雍正八年十月二十日自六  
里花園地方起程由永順保靖團長除應補副將都司守  
備千把以及應設同知經歷巡檢等員與一切善後事宜  
容臣與督提二臣會議另

題并寨苗均輸雜糧數目俟查造送部外所有六里招撫安  
設完竣情形理合恭疏

題報再照鎮筵鎮屬四營地方應設塘汛直通六里新營臣  
已密授機宜現今鎮臣周一德前往辦理另

奏合併陳明伏乞

皇上睿鑒施行

招撫鎮算紅苗

題爲遵

旨議奏事該臣看得鎮算所屬四營紅苗地方分設四路塘汛  
直抵六里新營一案經鎮算鎮臣周一德於臣招設六里  
事竣之後親歷招撫照臣所議相險安設營汛茲准移稱  
紅苗地方之池河界連黔省并本省六里及新撫之紅苗  
西蜡耳東糯塘最關緊要應將本標前營遊擊一員添設  
把總一員帶兵二百名移駐巖口乃各寨要隘應將右營  
守備一員帶兵一百名移駐地良坡總控五冲應設千總

一員帶兵一百名駐劄栗林設把總一員帶兵四十名駐劄鴨保寨設把總一員帶兵四十名駐劄火畧坪設把總一員帶兵三十名駐劄其餘小汛亦設兵丁二十名十五名不等又赤蘭坪安兵十名以上分佈塘汛二十三處抽撤添設共安過官兵七百五十五名又黔省五汛乃鎮筵接六里必由之路應歸楚省設汛以通聲息內瓦窰坪銅崖龍潭三處各應安兵十五名俟覆到即為安設左營守備原駐鎮谿所應將該備移駐陽孟寨前營遊擊既駐池河則狗若栗林等寨應撥歸前營兼轄又派撥威遠營與

重郎坡及殺苗坪等處各原防千總移駐盛華並晒金塘與鎮谿所防範自潭江起汛地撥歸中營兼轄自巖口至萬溶江撥歸右營兼轄又稱各弁兵係抽撤暫防今應添設千把并兵丁四百名方足分防責成又左營汛地廣遠現在安兵二百五十五名實屬不敷應將乾州同知所帶一百名之兵令把總帶五十名照鳳凰營通判之例撥防勞神寨再灣溪等四汛撥歸右營管轄并稱四路舊營俱藉苗頭辦事已於營餉按季給以工食今安設塘汛更藉熟練之苗辦公所需工食亦應一視同仁中營應添守餉

五分堂奏南政和  
二分左營五分右營二分前營三分等因行司會議去後  
茲據布政使楊永斌等詳覆均依鎮議添撥移駐分管兼  
轄其添設苗目亦應如議按給糧餉并聲明衙署等項事  
宜俟確查另報至添設官兵糧餉等項俟此案

題准部覆造冊另請咨部撥項等情前來所有鎮算鎮臣周  
一德招設算屬紅苗地方已經移駐遊守等官并抽撤兵  
丁改撥汛防酌用苗目并議請添設千總一員把總四員  
兵丁四百名緣由俱與臣議無異相應具

題再照移設官兵所需衙署營房等項應需工料苗民願輸  
雜糧若干以及一切善後事宜現在飭司逐一確估據實  
妥議至添設兵丁應需糧餉俸乾俟部覆至日轉行該司  
將募補各兵花名年貫分別造冊請咨撥項支給合併陳  
明伏乞

皇上睿鑒勅部議覆施行

改易軍田稅則

題為敬陳管見事該臣看得軍田一項前准部咨經工部侍郎申大成條奏貴州軍田軍民互相頂種有侵占爭奪之弊令每畝上稅五錢許照民田一體賣買部議允准并行令各省照黔例酌行等因經前撫臣王 行據前任布政使趙城詳稱湖南軍田土瘠賦重且均與民田一例賣買並無價賤頂種侵占爭奪未便概照黔例上稅酌議果有如黔省腴田百姓原未用價及微價頂種未立賣契者俱每畝上稅五錢時價平賣糧未過戶者按每糧一石上稅

五錢已過戶者每糧一石上稅二錢土下賦重者於賣買時每兩上稅三分經前撫臣王 會疏具

題嗣准部覆湖南既分別酌定應令徵收等因飭遵臣查湖南軍田從前定議徵收原在黔稅未經奉免之先今黔省既已免徵而湖南軍產賦則較重田皆瘠薄又原與黔省膏腴不同久與民田一例賣買並無爭奪更與黔省頂種各別從前詳載甚明復加確察無異各屬應納稅銀軍田既少若照前議酌定各則通查徵收於區別輕重徵減之中易滋裁重就輕棍蠹詐索情弊請照黔省一例免徵概

於賣買時照價銀每兩上稅三分寔為官民兩便且各省軍田徵稅於雍正七年閏七月內准到部咨雲貴廣西督臣鄂 陳奏貴州軍田徵稅民生無益懇

賜豁免奉

旨依議部議并行各省如有軍田不便納稅之處悉令據寔奏請等因欽遵在案今湖南軍田節經查明類皆瘠薄輸賦與民田較重且久與民田一例賣買從前所議各則委屬未便徵輸相應據寔具

題仰懇



聖恩俯照黔例豁免概於賣買時照價銀每兩上稅三分庶於  
官民兩便臣謹會

題伏乞

皇上睿鑒勅部議覆施行

六里善後事宜

題為謹陳六里善後事宜事該臣看得六里新設營治奉

欽定永綏協一切善後事宜經臣詳細指示先據辰永靖道王

柔暨副將張鶴遊擊王進昌會查繪具圖冊通詳臣隨批

行司道核議去後今據布政使張璨按察使胡瀛等詳稱

永綏係新闢苗疆吉多坪旣屢經永綏文武查勘咸稱寔

為扼要地勢寬濶兼有溪河縈帶應如所議在於此處建

造城垣官署現委鳳凰營通判徐嘉惠會同永綏同知李

珣將一切工料確估造報俟造送到日復加核寔即于雍

正九年地丁銀內動支修建另請

題達又營汛兵房已經詳動公項給發同知蓋造瓦房給兵  
棲址現在飭令造冊報銷旂幟等項係壯營伍軍容業經  
副將張鶴借支公項委員前赴廣東製備俟於公費等餉  
內按季陸續扣還又盛甲一項兵丁操演在所必需現據  
該副將移同請動公項領辦亦已詳明給發委員領赴湖  
北製造現在移取用過物料價值清冊其砲位關係營中  
必需之件亦經詳明准照武岡營式樣製造現在移會確  
估實價若干均俟造送到日另請核達所有永綏城內與

夫花園二處各建倉十間各貯穀三千石以備附近兵苗  
借糶之處但目今城垣尚未興修應俟城工以及文武各  
官衙署修竣之日然後將應貯穀石與夫建倉工料另請  
動支公項飭發同知建倉買貯管收借糶年底盤查結報  
又苗民耕種飭令同知及經歷巡檢各員於耕種之時諭  
令各寨苗目督率散苗用力南畝但苗民耕種原有勤惰  
不一今永綏新闢地方自應責成該管文員善爲督率獎  
勸又稱永綏地方原隸乾州向設百戶今應照舊安設按  
以該里駐有汛弁之所一同住居遇事商辦凡有急務令

其同時通報無致歧悞查百戶一弁原爲管束苗民而設今應請照舊安設協同武弁商辦公務又稱永綏雜糧從前額設七十二石八斗四升責令各百戶徵收撥充鎮算兵米今建設營制業已清編苗寨烟戶除老幼孤寡免徵外其餘年壯而有家室之苗民則令同知於各里戶口按照七十二石八斗四升數目逐戶均攤每年徵收撥充本營兵丁月米其鎮算兵米應請另爲撥給折色查各里雜糧原係各苗抒誠納賦之項按戶均攤未有偏重偏輕之累既就近撥充本營兵米則鎮算應另行撥給折色又稱

永綏苗兵丁宜結姻親以潛移習俗查苗民既已化誨則是與民無異應如所議准許苗兵丁結親令其日相親睦以成內地風俗又稱永綏宜按六里每里設立義學二處在於乾鳳兩廳所屬之苗生中擇其通曉文義者各里延師二人每年於通省公項內請給廩餼十六兩令其化導苗童查性近習遠在在皆然各苗從前之所以掠劫爲匪者因未覩詩書禮法所致自應乘苗童幼小擇立苗生講解教讀或從學日多義館不敷許其隨時請增庶使文義家喻戶曉久道化成另請設立學校又稱永綏宜照

鎮算之例設立苗糧存留守餉二十分選擇熟諳苗目量其勞逸定其多寡按季給以工食以作養贍倘有事故照例開收查鎮算苗糧自康熙四十二年招撫之後于四營共存守糧二十五分分給熟悉認識之苗目以爲踴探緝拿引路之資今永綏各處應請援照存留守餉二十分選擇熟諳苗目充當倘有事故照例開收仍于報銷冊尾註明苗糧字樣以便查考嗣後若有果能踴躍辦事實心急公者亦循照鎮算之例給以全餉以示鼓勵又稱永綏于總缺出即於本營把總內揀選呈送考補把總缺出即於

本營外委馬兵百隊內揀選弓馬嫻熟諳練苗情者呈送考補又外委一弁亦必擇其熟諳邊情人地相宜之馬兵聽協揀選呈送考驗其間或弓馬稍平亦聲明人地相宜請准拔用查永綏營制深處苗疆凡有干把外委各缺若非久練邊情人地相宜者不能勝任似應如議將該協干總缺出即于本營把總內考補把總缺出即于本營外委馬兵百隊內考補外委一弁亦聽該協在于本營選擇人地相宜之馬兵呈送考驗或有弓馬稍平亦聲明人地相宜請准拔用又稱兵丁月米應仍按季給以本色令辰州

府經由花園高巖南北兩路河道在于各屬倉穀按數動支碾米辦運請動公項飭令永綏同知在于吉多排補美花園米糯四處各建倉儲收支放給本汛并各附近大小汛防兵糧就近關領其糧一到河岸苗地無夫可僱但相距匪遙即令該同知會同營員撥兵運貯仍量賞腳費于公項支給其兵米逐月支放年底出結

奏報應領折色請援永順之例增給飭道自雍正十年正月起照數扣交辰州府查照各屬撥運米糧數目按數分發秋收買補還倉俟本地耕種日廣可以採買即行詳請發

給折色令其自行買食查永綏所種原係雜糧而永綏官兵日食米糧必需本色方資飽騰以前俱經碾運就近支放今應如所議仍飭令辰州府動撥所屬倉穀碾米經由花園高巖南北兩路河道分運并即動公項銀兩飭令永綏同知在于吉多坪排補美花園米糯四處另建板倉收貯支放本汛并各附近大小汛防兵丁就近關領責令永綏同知公同收支照例監放出結

奏銷應援永順協兵米折價之例請將部撥每石六錢米銀增爲一兩折給自雍正十年正月起按照年額實支米數

除本省定例六錢折價外其每石應添銀四錢春夏二季于雍正九年解部米折銀內動支留存添補秋冬二季於該年解部米折銀內照數動給各造入

奏銷冊內報部核銷遞年循照爲例其此項米價銀兩扣交辰州府抵補動用辦給本色月米穀價及輓運腳費有無餘剩令其按年造冊報核俟本地耕種日廣另請發給折色令其自行買食又稱永綏副將一員同知一員經歷一員巡檢二員均應請給印信關防并副將傳勅查六里地方

欽定永綏協嘉名則副將同知經歷巡檢各官印信關防應如所議均用永綏字樣并請內部

題請鑄給其副將

勅書亦請頒發以昭信守等情前來與臣指示斟酌損益俱屬妥協除將圖冊送部外所有永綏一切善後事宜相應會題伏乞

皇上睿鑒勅部議覆施行

舵桿現出洲形

題為欽奉

上諭事該臣等公會勘舵桿一洲在於大湖巨浸之中原係有名未見其體茲從此處建臺乃自古未有之大工並無章程可以取法是以前議倣照河工海塘置造水櫃之式并南北兩面俱作偃月之形便於行船停泊業經估計具題及報明興工日期在案然於湖心水底創立基址最為不易今幸雍正九年十二月十二日南風陡作湖水忽退現出此洲實地只須將前估之梅花椿改為四層流柵立定

基脚然後逐層砌石更屬堅久不必置用水櫃致糜帑項  
至於臺形細加考究湖中南面風柔浪小北面風烈浪大  
今宜北面改作弓背之式浪至可以分開不致迴蕩洗刷  
基脚庶為合宜其寬長丈尺悉如舊議今臺基已立現在  
逐層砌石規模就緒務期工程垂久仰副

皇上利濟萬世民生之至意據委理工程之衡永柳道許登瀛  
具詳前來除工竣之日造冊核實請銷外臣等履勘相符  
所有原議隨宜稍有更易情由理合

題明臣謹會

題伏乞

皇上睿鑒勅部查照施行



請設理徭同知

題為遵

旨議奏事該臣看得靖州屬之綏寧寶慶府屬之武岡城步新寧等州縣苗徭劫奪事件越境緝拿未免彼此推諉前准部咨准將寶慶府通判分管邵陽新化二縣捕務將同知移駐城步縣於職銜內加理徭字樣將靖州屬之綏寧寶慶府屬之武岡城步新寧等州縣苗徭事理及一應捕務俱交與該同知管理今將一應移駐衙署等項并揀選堪任理徭同知之員具題等因臣隨檄行布政司會議通詳

去後茲據布政使楊永斌等詳稱查湖南通省屬員內無合例堪以調任理徭同知之員惟有寶慶府城步縣陳采原係慈利縣知縣雍正六年調補城步縣知縣居官勤慎辦事敏練請以該員陞補寶慶府理徭同知洵堪勝任所遺城步縣知縣亦屬苗疆調補之缺但係苗疆小縣不准以內地大縣調補茲查湖南內地小縣六缺俱係委署及到任未滿一年之員無可揀調中縣缺內除委署及到任未滿一年之員外惟華容臨湘二缺亦止到任年餘無可調之員茲查有原任嘉禾縣丁憂知縣王惟修前以該員才可辦事熟悉風土

題請留楚委用奉准部覆在案今請以該員補授城步縣知縣實屬人地相宜王惟修係捐納出身仍按季試俸其寶慶府現任同知陳九昌原係澧州知州借補俟有知州同知缺出酌量另請補授至理徭同知撫綏苗徭兼司捕務應請鑄給關防其關防應鑄寶慶府理徭同知分管綏武城新四州縣捕務關防字樣又查寶慶府同知官俸役食應照舊支給惟民壯一項該同知既處苗徭重地需人巡查防護應設二十名內除原撥八名外尚應添設民壯一

王事堂奏南政和  
十二名每名每年工食銀六兩共銀七十二兩請於湖南  
司庫地丁銀內動支年底造冊報銷至該同知考成應照  
各省理徭捕盜同知之例至綏寧縣苗徭事理及一切捕  
務既交該同知兼轄則靖州州判將來應免併叅其該同  
知移駐城步縣應建衙署共估計工料銀七百六十八兩  
七錢四分委無浮冒應請於雍正九年地丁銀內動支給  
發修建等因造冊一併詳賚呈請會

題前來臣覆查無異除冊送部外又查湖南苗疆各缺俱係  
題補以五年俸滿陞轉今寶慶理徭同知似應亦作

題補之缺嗣後亦以五年俸滿陞轉其前請改駐江華縣之  
永州府理徭同知亦應循此例合併陳明臣謹會  
題伏乞

皇上睿鑒勅部議覆施行

請免流沙無着錢糧

題爲水底之無徵偏累等事該臣看得湘陰縣流沙五總朱偕松等溢地共一百六十三頃零抵補缺額無徵銀米一案先據該署縣周相據呈查勘援照武陵縣宿郎堰之例通詳請豁臣隨批司查議旋據該司詳委益陽縣張健翎會同該縣再加確勘去後茲據布政使張燦等會詳湘陰縣因康熙五十三年具報全墾田地山塘湖壩共一千五百一頃二十二畝八分四厘零康熙五十九年限滿陞科經前任告休知縣羅士修逐一查丈共止有主應陞民屯

田地塘一千三百四十一頃五十三畝二分六厘零實遠  
年沙壅冲卸缺額地一百五十九頃六十九畝五分七厘  
五毫六絲七忽二微缺額無徵地丁銀一百八十八兩一  
錢四分零南折驢脚共銀二十一兩八錢二分零漕米三  
十一石二斗零於雍正二三年內適因流沙五總朱偕松  
等水中淹地偶乾槩為丈入遂溢地共一百六十三頃零  
以補前項缺額銀米無如此地接壤洞庭內湖外江並無  
堤岸難以修築際此深秋水涸猶屬泥濘水底若值春夏  
水漲盡皆浩渺烟波是百姓未能佈種實難責令輸將所  
以該徵錢糧自雍正二年至今俱多懸欠今據該委員張  
健翎等勘明應將該縣流沙五總溢畝抵補缺額無徵銀  
米請豁等因取具並無捏飾印甘各結詳賚前來臣查武  
陵縣屬宿郎堰額賦以及舊欠錢糧久沐

聖恩悉賜豁除今湘陰縣流沙五總溢畝抵補缺額無徵銀米  
既據會同勘明實係泥濘水底民力難以耕輸與武陵縣  
宿郎堰無異相應具疏會

題仰懇

聖恩亦賜蠲除除將各結送部外臣謹會

題伏乞

皇上睿鑒施行

桂陽州改直隸

題為懇憐險遠等事該臣看得衡州府屬桂陽州請改為直隸州將臨武藍山嘉禾三縣俱歸該州管轄一案前據州屬士民李至和等以桂陽等州縣距衡郡寫遠本府盤查各屬倉庫經月難週士子考試難以遠涉訟獄解審途路險阻等情呈懇援例

題請將桂陽改為直隸州緣由經臣批行藩臬糧道等確查去後茲據布政使張璨等詳稱會查桂陽州距衡郡甚遠而臨武藍山嘉禾三邑居桂上游去衡又遠水陸險阻一

切盤查考試解審等事甚屬不便請將桂陽州改為直隸州而以臨藍嘉三邑俱歸桂陽州就近管轄官民均便實可堪垂永久其各該州縣如有盜案踈防照例將該州州同查叅督緝又該州既改為直隸州管轄臨武藍山嘉禾三縣地方責任匪輕必須任事年久之員方能勝任現任知州張明叙蒞任有年辦事諳練應請即以該牧

題補直隸州知州等情議覆前來臣查衡州府所屬臨武藍山嘉禾三縣地居楚邊壤接兩粵桂陽州距府陸路三百餘里皆崇山鳥道水路有十八險灘而臨武藍山嘉禾三邑居桂上游距衡更遠今據該司等議請將桂陽州改為直隸州將臨武藍山嘉禾三縣俱歸桂陽州就近管轄一切事件照例督理因地制宜實屬妥便理合

題請倘蒙

俞允桂陽州改為直隸州則管轄臨武藍山嘉禾三縣地方責任匪輕必須任事年久之員方能勝任茲查現任知州張明叙蒞任有年辦事諳練即以張明叙補授直隸州知州實屬人地相宜相應會疏保

題伏乞

皇上睿鑒勅部議覆施行

乾苗願納雜糧

題為飭行招撫化誨事該臣看得乾州同知所屬之甕流溪等寨及新撫夯坨上下二寨苗民前據辰永靖道王柔暨乾州同知沈元曾詳報自願輸納雜糧俱經批行布政司會查去後茲據布政使張璨等詳稱乾州同知所屬甕流溪等處苗民共計大甕流中甕流平業鉄振巖下巖科補沙補勞補點風香灣九寨紅苗大小三百三十六丁每名願納雜糧一升共納雜糧三石三斗六升又新撫夯坨上下二寨苗民大小九十二丁自願輸納雜糧共九斗二升



通共願納雜糧四石二斗八升等因造冊詳賚前來除冊  
送部外事關苗民輸誠納糧理合據詳

題報再查甕流溪等寨俱係乾州同知所屬與軍營相近前  
項願納雜糧照例責成該同知每年照數管徵令辰永靖  
道督催坐撥軍營兵糈收入驛鹽糧儲道衙門

奏冊報部合併陳明臣謹會

題伏乞

皇上睿鑒勅部核覆施行

請留鎮軍新增兵丁

題為欽奉

上諭事該臣看得鎮軍鎮所屬四營紅苗地方分設四路塘汛  
直抵六里新營添設兵丁四百名一案准部咨欽奉

上諭鎮軍新增兵丁甚屬無益着該督撫提鎮等確查地方形  
勢有要緊營汛應添兵丁之處即將鎮軍之新設四百名酌  
量派撥以資防禦等因欽此隨即移行欽遵確查去後隨准  
鎮軍鎮臣楊凱咨稱軍標所轄四營分設塘汛先准提督  
咨開親歷確勘前鎮周一德添設新汛尚有疎漏未協令

確加酌議添減改駐隨經覆查添設更正布置周詳外至本標存城兵丁共止二百七十名巡防差遣不敷從前每遇有事則調各汛兵丁應用在兵丁既有跋涉之苦而遇事亦多遲緩之虞今新添之兵四百名不敷新汛之用請於內地無關緊要塘汛抽撤以補要隘并以兵二百三十名添入存城之內合共五百名以供差操寔屬大有益於邊營之事等因移咨到臣臣以鎮算新添之兵現欽奉

聖諭甚屬無益着令確查酌量派撥未敢草率當又檄行布政司會查妥議通詳去後茲據布政使張際會同湖南按察

使胡瀛詳稱遵卽移查鎮算地方幅頓實有千里永綏不及三百餘里永綏雖在鎮算之外然四面皆苗不能越境滋擾內地鎮算雖在永綏之內而民苗界址相連

本朝改營爲協改協爲鎮前後設兵共成三千名以供沿邊防守六里之苗自雍正八年奉

旨開闢化誨設立同知副將兵丁原因六里苗民無人管轄教導而設非以其有滋事之處是永綏之兵爲彈壓苗民起見故一千六百而可敷鎮算之兵爲保衛邊民起見數雖加倍而未足自開闢六里之後於鎮算紅苗之內安設四

路塘汛直接六里新營既可聲援六里又可控制紅苗前  
 因兵數不敷請添兵四百名為新設塘汛之用去冬提督  
 巡歷確勘以前鎮添設新汛尚有未協咨商該鎮楊凱已  
 於本年正月內率領四營遊守遍歷更定改正將四營守  
 備俱改駐紅苗內巢險要之地計設新汛五十四處設兵  
 一千三百一十九名以新添之兵四百名不敷將內地塘  
 汛兵丁抽撥九百餘名以敷其用新設之汛實有益於苗  
 疆新添之兵萬難別為抽調至存城之兵原係援剿四營  
 三協之用從前報部止有二百七十名除去親丁字識等

項僅一百餘名即如永綏一協尚有存城兵丁七百名鎮  
 算一鎮存城無幾殊非安設邊陲巨鎮之意又於內地塘  
 汛抽撥二百三十名添足存城兵五百名自成一旅以供  
 差操總計鎮算兵數新舊雖有三千四百名除防守黔陽  
 麻陽二縣及撥赴乾鳳二廳與分防沿邊新設塘汛共兵  
 二千九百名均係緊要之汛存城僅五百名以供援剿差  
 操是新添之四百名兵丁實乃萬不可減請俟彈壓日久  
 苗民革面革心自當另請以漸抽撤此時不能遽撥他處  
 等因造冊詳賚到臣并准鎮算鎮臣楊凱將鎮算永綏幅

三華堂奏南防和  
順勘明内外形勢繪畫輿圖咨送前來臣等覆查鎮算鎮  
所屬四營紅苗地方分設四路塘汛既經鎮臣楊凱率領  
四營遊守遍歷紅苗內巢改設更定此新添之四百名兵  
丁俱應分派鎮算營汛萬難別為抽調似應俯如所請暫  
免派撥他營俟彈壓日久苗民革面革心另請漸次抽撥  
似屬妥便相應會疏具

題除冊送部外謹將輿圖恭呈

御覽候

旨遵行臣謹會

題伏乞

皇上睿鑒勅部議覆施行

三  
五  
七  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

譙衿七世同居

題爲居家孝友等事該臣看得常德府屬沅江縣生員譙衿等七世同爨據該縣府詳報臣隨批行布按二司查報去後茲據布政使張璨等詳查譙衿等詩禮傳家耕漁爲業各食其力就所習以均勞共用其財總歸公而不私時經七世猶自同居室聚百人依然合爨等因取具同居名字宗圖并事實冊結詳賫前來臣覆查無異此皆我

皇上

德周四海

化洽萬方是以俗尚文明見濟濟衣冠之盛因而人敦孝友  
開雍雍揖讓之風雖云萬彙咸亨實出

一人有慶即今譙衿等七世同居百人共慶洵  
聖世之嘉徵昇平之瑞應所當據實具

題邀

恩旌表以彰

聖化以勵淳風者也臣謹會

題伏乞

皇上睿鑒勅部議覆施行

許湄入祀

題爲敬陳芻蕘等事該臣看得前准部咨名宦鄉賢入祀者  
督撫學臣秉公核實彙題等因茲據布政使張璨詳稱查  
得石門縣已故知縣許湄春溫秋肅一念足服羣情潔已  
愛民十載勞心百里興文養士苗民有揖讓之風減耗恤  
民瘠土鮮穀絲之嘆昔經前撫臣陳瓚之保舉荷蒙

聖祖仁皇帝

召見之

恩綸迄今民思其德愛戴彌深等情同各結并事寔冊賚報前來

臣隨會同確查無異除冊結送部外相應  
題請將石門縣已故知縣許湄崇祀名宦以慰輿情以弘獎  
勵者也謹會題請

旨

請免倒馬歸補原數

題為欽奉

上諭事該臣看得湖南雍正六年往黔官兵需用馬匹在途倒  
斃未能歸補原數請銷馬價銀三千六百一十兩一錢零  
屢經部行妥議作何賠補行據布政司等覆稱查前項馬  
匹應在領馬各兵丁賠補惟是出師黔省馱載軍裝時值  
寒冬雨雪以致在途疲瘦倒斃今調遣窮兵寔力難賠補  
而原奉抽撥馬匹之協營與領馬扣補之縣驛等官又無  
責令賠補之事此外委無作何賠補可議應援請仰邀

皇仁軫念効力窮兵免此賠補請於原動地丁錢糧內開銷等情經臣節經咨部今復准部咨令查明具題等因隨行據布政使張璨等查明備敘前由前來臣覆查無異謹會題請

旨

特叅陳宦

題爲報明事該臣看得湘潭縣知縣衛學瑗據報因幼子夭亡舊病復發於雍正十年十月初一日自縊身死經臣飭委善化縣察驗覆稱驗明衛學瑗實係自縊身死據衛遵謨供因工部侍郎陳樹萱爲訟族人陳殿明等一案勒照光棍例定罪不從屢受斥辱畏威自縊因樹萱勢大故捏緣病具報等情又經批據按察使胡瀛等詳稱覆審無異并稱衛學瑗前在省已有不平之鳴等情該司等詳審不特各供鑿鑿又查出陳樹萱勒改供情粘簽併告示是衛



學瑗之受其逼辱自盡無疑等因前來臣查工部左侍郎  
臣陳樹萱因省親回籍乃告害族人勒縣枉刑詈叱職官  
罰令教官朝服跪門創造轅門出入行走鳴鑼放砲濫收  
民詞擅出告示訛借舵桿洲銀兩捏造扯去李端友哭呂  
留良之文希圖嚇詐種種肆橫風化攸關并據司道府縣  
稟揭經臣具

奏在案茲知縣衛學瑗屢被威逼辱詈氣憤自縊歷審供吐  
案據確鑿查雍正二年欽奉

上諭凡職官自盡令督撫據實具題歸結又律載大小官員有  
犯公私罪名開具事由請

旨推問各等因今陳樹萱係現任工部左侍郎現已起程赴京  
所有前項各情遵例密疏請

旨再陳樹葵聽從伊兄樹萱指使妄行併請革去舉人以便併  
審謹會題請

旨

請定典業稅銀

題爲請定典業稅銀事竊查民間交易田宅向例刊刻司印契尾頒發征稅俱按價每兩三分雍正六年內又經戶部議覆買產用布政司印發契紙填註上稅其活契典業亦用契紙又查雍正五年內河南永寧縣知縣趙國用條奏經部議覆民間典當田土印契過戶稅銀儘收儘解如有私相典當照例治罪入官各等因在案今查湖南自遵用契紙以來查核填繳契根內典契上稅百張不及四五紙蓋緣民間以典當田宅不過三五載原主仍備原價贖回

多有私立白契質帖當字皆因活契典當非永守之業惜此小費甘於隱漏一有不清爭訟不已雖按法責罰究難悉杜其弊臣愚以嗣後俱令遵用契紙投印上稅過戶將私立白契及質帖當字等弊再行嚴禁其典業上稅按價每兩徵稅一分五厘將來此業如係典主找價承買新填買契將原典契黏連送地方官照全價每兩三分計算除前完典價半稅銀數餘令找納註於契內如此小民樂從永無漏稅之弊似於國計民生均有裨益謹題請

旨

請借出師官兵支項

題爲密咨事該臣看得黔省九股兇苗跳梁生事亟宜懲創

先准署貴州提臣霍

咨派湖南兵丁三千名前往協勦

旋准咨移撤回

題明在案茲復欽奉

上諭將預備之兵丁二千名仍令前往貴州聽提臣哈元生遣  
用等因臣又節飭料理應付起程去訖茲據布政使張璨  
等詳稱復派往黔兵丁各在本處地方借支銀一兩旣稱  
於春餉扣還應聽各營照數歸還其前派撤回今未復派

往黔兵丁一千名及領兵將弁原借行裝銀兩亦應仍照原

題於雍正十一年春季起分作四季扣還所有此次復派往黔兵丁二千名以及將弁前次借動行裝與今提標換添把總三員借支銀兩似應寬俟官兵捷回之日分作四季扣還其雇備應付等項俟事竣之日同前次應付糧料等項一總分晰造冊報銷等情前來臣覆查無異相應

題明謹會題請

旨

碾穀運濟黔軍

題為知會運濟軍糧事該臣看得黔省九股逆苗不法調集楚粵官兵協勦糧餉寧可多備鄰省理應代籌臣自去冬已飭距黔最近之沅州多動倉穀碾米相機運濟據報准貴州鎮遠府覆稱目下黔糧尚足供支容俟需米起運在案茲准署貴州撫臣元 咨稱經大學士一等伯鄂 議

奏湖廣之米可由鎮遠直達施秉令知照辦理奉

旨依議欽遵咨臣酌撥倉米一萬石運至鎮遠兌交黔員收運供支等因隨行據布政使張璨等查覆湖南未有存貯米

石議於接近黔省之沅陵瀘溪辰谿溆浦黔陽麻陽靖州  
綏寧會同九州縣倉穀內令辰州府知府李珣總理共撥  
新穀二萬石碾乾淨米一萬石各催船隻運交等情除批  
令星速僨辦恐碾運稍需時日黔省不能等待則將沅州  
前次碾就之米先行解濟仍即於一萬數內扣還其沅陵  
等州縣動碾之穀亦即於常長衡三府倉內撥運填補庶  
沅州仍有預備而沅陵等九倉仍然充實臣仍不時督催  
均期速濟至碾運各費於楚省公項開銷所動三府倉穀  
定議另

聞

題所有湖南動碾倉穀運濟黔省軍糧緣由理合會疏奏

協餉儘數解黔

題爲酌撥雍正十一年兵餉事該臣看得貴州省雍正十一年兵餉部撥湖南雍正十年留備兵餉等銀又撥協雍正十一年地丁銀兩以爲該省雍正甲寅年兵餉查撥解協餉例係四月解半臣以黔省正在用兵庫藏恐有不敷隨行司遴員儘數先解茲據布政使張璨詳稱除將奉撥雍正十一年地丁銀四萬三千一百二十二兩九錢零又地丁銀十二萬兩俟屆期另詳委員起解外所有奉撥雍正十年留備兵餉又雍正十年地丁銀共一十六萬八千二

百九十五兩遵卽調到委官辰州府同知陳緯管解已於  
雍正十一年三月初六日起程前赴貴州撫院衙門交收  
等因將動支款項數目造冊詳賚前來臣覆核無異除冊  
送部外所有起解前項銀兩數目及委官職名起程日期  
理合

題報謹具奏

聞

題請終制

題爲恭報微臣丁憂交送巡撫印務日期事竊臣一介庸愚

疊蒙

聖恩超擢湖南巡撫復蒙

恩旨命臣署理江南總督印務聞

命之下惟俟署撫臣鍾保到任交代起程不意臣母李氏年逾  
七旬忽於雍正十一年十月初二日以疾終於官署臣係  
親生長子並無過繼違碍例應丁憂回旗守制伏查雍正

三年奉



旨嗣後督撫丁憂者不得遽行送印其任內文卷擇司道一人  
代行聽候諭旨方行離任等因欽此然湖南事務殷繁鍾保  
赴任尚無定期而臣方寸已裂精神恍惚雖勉強支持恐  
多貽誤查湖南布政使張璨歷任四載辦事誠實謹將  
欽頒巡撫關防等項於雍正十一年十月初二日委員賚送張  
璨暫行護理臣仍駐長沙省城如有緊要之事公同商酌  
俟鍾保到任將一切地方情形苗疆事宜逐一交授分明  
前往漢口恭候

諭旨外仰懇

聖恩准臣扶櫬回旗守制其江南總督印務伏乞

皇上另簡賢員署理所有微臣丁憂送印日期理合

題報再查例應督臣代

題今督提二臣均不同城地方事件恐有遲誤臣謹自行具

題係委按察使胡瀛拜

進合併陳明謹題請

旨

咨覆義讓世職

為據咨謹覆事伏查此二缺荷蒙

太祖

太宗憐念先臣行間効力

賜與世襲凡趙氏諸子若孫理宜感激

天恩世世圖報亦凡屬趙氏族衆有志上進者均可仰露

高厚者也現今族中人頗衆多以輩次而論皆本都院兩子之

族祖伯叔且本都院現叨重任若以黃口小子又預世職

之選濫邀三品四品大缺於心實有未安於理亦有未協

本年大學士張 辭子若靄鼎甲欽蒙

聖主許可此義讓之大節本都院雖抱愧菲材縱使兩子堪以  
入選而以之讓於族中昆弟亦當勉力效法於萬一者何  
况兩子庸愚無識庭訓多慚旣難供月旦之評實未敢濫  
萌非分之想所有現出二缺仰懇 貴都統於敝族選擇  
承襲則諸叔兄弟材志旣可以上報

聖恩而俸米又可以下養家口卽本都院亦頂戴

聖慈愈深感激將來兩子盡心學習稍有成就再圖報効

朝廷竭盡駑駘於萬一也緣准前因相應咨請 貴都統鑒照

施行



